

1219






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1219 4° (LN 659)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1219 4° (LN 659)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1219 4° (LN 659)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1219 4° (LN 659)

Nº 1219.



J. C. Tuckley fecit

- 2 N. 659



M

1719

DE
V

17.19
CARMEN
DE SECVNDA PERSONA DI-
VINITATIS, ET QVATVOR
SVMMIS MERITIS FILII DEI,

Scriptum
ab
Isaaco Mauritio Gillelmano.

Juan Grombeck



Hafnia,
EXCVDEBAT IOHANNES
XYLANDER.

1563.



R
N
Flo
Vre
Aug
Exig
Qu
Erg
Dm
Hoc
Hoc
Et
Mit

1719
REVERENDO VIRO M: NICO,
LAO COLDINGENSI ME-
CAENATI SVO CHA-
RISSIMO,

Maxima qui solus studiorum es causa meorum,
Esse saluratum te mea musa cupit.
Plurima namque tui cernebat signa fauoris,
Quando locum uotis illius ultro dabas.
Vt neque praeteream, quibus est ornata subinde,
Munera, perpetua laude colenda mihi.
Aut ea Lethæa ne sint submersa palude,
Testis de meritis est mea Clio tuis.
Exiguæ molis non est Iouis ora tueri,
Nec diuos precibus conciliare sibi.
Quod superos sensit sibi nostra Camæna benignos,
Hoc (fateor) factum dexteritate tua.
Ergo tibi tantis meritis astricta mouebit
Plectra, quibus tollet nomen ad astra tuum
Dum conatur idem, tibi dum promissa feruntur,
Hanc cernis causam carminis esse mei.
Hoc tua præclaris tot dotibus aucta requirit
Virtus, quam semper summus Apollo stupet.
Hoc etiam factis clarissima fama meretur,
Quæ superis fecit te pietate parem.
Et tua per gelidos probitas effusa Triones,
Quæ te præ reliquis diuite dote beat.
Mittimus ergo tibi teneram Nicolaë Camænam,
Quæ non lasciuos fundit ab ore iocos.

A ij Sed

Sed canit æterni summum genitoris amorem,
Quem sacra progenies uirgine nata refert.
Non solum munus, mentem sed respice gratam,
Quæ maiora tibi reddere prompta fuit.
Ni retineret inops animum tam iusta uolentem.
Pauperies, cui mens seruiat ægra mea.
Ergo boni facias teneram precor usq; Thaliam.
Hoc mihi nam gratum nil magis esse potest.
Vive uale felix, Mularum uita, decusq;
Te saluo semper fistula nostra sonat.

T. T.

Knacus Mauris
ius.

DE

1719
DE SECUNDA PERSONA
DIVINITATIS.

Est uia perpetuæ mortalibus una salutis,
Agnitio ueri, firma fidesq; Dei,
Et merita ipsius cognoscere, ferreque laude,
Est hominum generi summa profecto salus.
Ut pia sacrorum testatur concio uatum,
Et simul æternus clamat in orbe Deus.
Siquis habet Christum, uiuet sine fine beatus,
Eius at ignaris incognita perennis erit.
Non etenim statuas ulli cuiquam esse salutem,
Absq; Dei meritis, notitiæq; λόγῳ.
Ipse, uelut ueterum tradit sacer ordo uirorum,
Iustificat multos agnitione sui.
Itur ad æternæ sic gaudia maxima uitæ;
Et meritis Christi calice porta patet.
Sic Deus à cunctis decet agnoscat, at, cheu,
Pars quora mortalis pensat illa chori.
Insidijs lapsus diuini nominis hostis
Æternæ pœnæ cum reus orbis erat,
Humani generis Deus est accensus amore,
Et nasci natum iussit in orbe suum.
Ut per eum nobis accessio tuta daretur
Ad patris æterni, morte iacente, thronum.
Filius æternus sic agnoscat, oportet,
Quod missus nobis à genitore fuit,
Ut daret ἀντίλυτρον sese pro crimine nostro,
Et nobis aditus liber ad astra foret.
Quod sibi cum cupiat contingere quilibet ardens,
Nonne opus esse uidet cognitione Dei?

A 3

Qua

Qua sine frigescit quicquid conabitur ipse,
Absq; Deo felix non labor ullus erit.
Per λόγος æternum uitijs purgabitur omnis,
Haud alio ueniet uita beata modo.
Hunc patris æterni natum celebremus oportet,
Nam per eum solum uiuimus atq; sumus.
Quapropter carmen modulari nostra Thalia
Incipiet, Christi factaq; sancta canet.
Ventis his placidis procedet nostra carina,
Hoc meus, ut uidetur, puluere curret equus.
Nomina principiorum refert, quæ pagina sacra
Æterno tribuit ac genitore sato.
Post ea procedet dicendi tramite nostra
Musa, nouem ponens ordine membra suo.
Quattuor adiectis meritis, quæ summa fuerunt,
Ponet susceptæ pondera dura uia.
Vela prius tumidis mea quàm cōmitto procellis,
Te sumo comitem, te peto Christe ducem.
Laus tua nunc agitur, soboles æterna parentis,
Vndis obsessæ dirige nauis iter.
Pectora nostra tuo reple spiramine sancto,
Vt te collaudent sanctaq; facta canant.
Vt pie Christe tuum nomen modulamine sacro
Concelebrem, linguæ uincula solue meæ.

I.

Æternus genitor primo te nomine Christe,
Ornauit, semen te muliebri uocans.
Quod caro sis sacro spiramine factus in aluo,
Virginea, uirtus magna Dei, absq; uiro.
Angelus

1219
Angelus est nomen, quo saepe uocatur ob illud,
Quod sit legatus missus ab arce poli.
Vt patris aeterni decretum ferret in orbem,
Et fieret patri uictima grata suo.
Dicitur & Syloh, quod foelix uertitur heros,
Nam uictor, uicta morte, futurus erat.
Brachium & ipse Dei toties, & dextra uocatur,
Quod per eum fuerint omnia facta simul.
Estq; Dei facies dictus: nam qui uidet ipsum,
Is uidet & patrem: quodatus ipse fuit.
Et lumen uultus Domini, quia pectora nostra,
Illustrat ueræ cognitione Dei.
Os Domini, quod sit nostris cum patribus olim.
Colloquijs usus, sacra docendo, pijs.
Appellatur Ero, quod sit sine fine futurus.
Defensor, nostra duxq; comesq; uiæ.
Nomen Iehoua retinet, quoniam per eundem
Iustitiæ nobis est renouata uia.
Ordine melchisedec nomen tenet ipse sacerdos,
Quod non Leuitico more creatus erat.
Emmanuel Deus est nobiscum, quod caro factus,
In nobis habitet, liberet atq; regat.
Consilium, quia adest nobis: mirabilis autem
Dicitur is propter facta stupenda sua.
Fortis, namq; suas uires uirtutibus auget,
Atq; Deus Zebaoth uiribus usq; potens.
Et princeps pacis, quia pacis primus is autor,
Dux, quia pro populo prodit ad arma suo.
Rex, cuius uerum sancta est ecclesia regnum,
Et lapis offensæ dicitur esse suis.

Quod

Quod genus humanum docuit, sapientia, multis
Nomen ei tribuit pagina sacra locis.
Sanctus sanctorum simili ratione uocatur,
Nos à fœtenti crimine namq; lauat.
Orans pro nobis sacrato flamine purgat,
Instar pontificis sanctificando fouet.
Hic sol iustitiæ dictus, ueram quia lucem
Accendit nostræ menti, animoq; simul.
Obtinet à populo saluando nomen Iesus,
Christus ab uirgine nobile nomen habet.
Filius hic hominis, pater, & Dei celebratur,
Nam uerus Deus est, & caro uera simul.
Is Dominus, cuius magna uirtute domatur
Mors, ualidusq; hostis, tar areaq; domus.
Verbum seu λόγος est dictus, mentem quia nobis
Indicat arcanam, consiliumq; Dei.
Agnus ei nomen, quia uictima, sanguine cuius
Mundatus quisquam, tutus ab hoste manet.
Pastor, quod uerbo, non gramine pascit ouile:
Ianua, nam per eum cœlica porta patet.
Lux mundi, quia nos ad gaudia maxima ducit,
Illustrans mentes agnitione Dei.
Vitis, nam sine eo marcescere cuncta uidemus:
Vita, quod illius munere parta uenit.
Verus, nam nobis proponit dogmata uera:
Et uia, quod monstret rite salutis iter.
Panis, nam cibus est, animam qui sedulo pascit:
Sponsus, quod Iponse est captus amore suæ.
Samaritanus ei nomen, quia uulnera nobis,
Sanat, mirificè saucia corda fouens.
Frater,

12.19
Frater is est dictus fraternum propter amorem,
Rabbi, quod nobis sedulo doctor adest.
Nomen habet quia praudivit uentura, Prophetae,
Et reliquos uates maximus inter erat. (sto,
Hæc sunt quæ tribuit sacra pagina nomina Chri-
Quod nunc est reliquum suscipiamus iter.

II.

Quod satus æterno fuerat patre Christus Iesus,
Iesai uatis pagina testis adest.
Filius ecce meus, clamat pater ore sonoro,
Quem genui, est omni uox ea digna fide.
Est genitor mittens, genitus quoque missus ab illo,
Hic patris emissum lumen in orbe micat.
Talía conuincunt sectam quamcunque negantem,
Christus ab æterno quod genitore fuit.
Lex data per Moſen, per Christum gratia uenit.
Qui Davidis erat posteritate satus.
Illa ne uerba probant satis & cõformia, Christus,
Quod sit de pura uirgine factus homo?
Desine nunc igitur diuini numinis hostis,
Plura nec in nostrum sparge uenena gregem.
Vaniloquo tantum non nobis obstrepis ore,
Sed patris æterni uerba inhibere stude.
Quando tot erroris lethalis semina spargis,
Nec seruas aliquem nos lacerando modum.
Carmine digna sacro est talis patientia Christi,
Inter apes fucos qui sinit esse suas
Non hîc institui certamen Zoile tecum,
Sed magis æternum concelebrare Deum.

B Nunc

Frater,

Nūc igitur reuocē nostram ex certamine musam,
Et Christum paribus glorificabo modis.

III.

Hic autem λόγος est æterni patris imago,
Natus ab æterna mente parentis erat.
Ante mare, & terras, & sydera clara potorum,
Hic fuit æterno de genitore satus.
Hic Deus est uerus, lumen de lumine Christus,
Omnia sunt illo facta operante simul.
Filius æterno patri est ὁμοῦσιος ipsi,
Nec superat patrem, nec genitore minor.
Ob genus humanum conceptus flamine sacro,
Est etiam ex puro uirgine factus homo.
Crimine pro nostro mortem passus, tumuloq;
Conditus, ascendit lucida regna poli.
Ipsius æterno est eadem cum patre potestas,
Et regni nullus terminus eius erit.

IIII.

O naturarum coniunctio mira duarum,
Naturam humanam sustinet usq; λόγος.

V.

Vnicus ille Deo satus est, plures nec habentur,
Nobile qui nomen Christus Iesus habet.

VI.

Vt discernatur geniti persona, patrisq;
Causa, uide, nati dicitur esse Pater.

Qnamuis

1219
Quamuis non prior est respectu temporis ipso,
Namq; coæuus erat cum genitore suo.

VII.

Condidit hic mundū cū patre, et pneumate sancto,
Omnia quæ sita sunt inter utrumq; polum.
Intercedit apud genitorem supplice uoce,
Nec cessat precibus sollicitare suis.
Decretum nobis patefecit patris ab æuo,
Cum factus nostræ præco salutis erat.
Prouidet hic nobis, uitam cum sorte gubernat,
Condita conseruat, sustinet, atq; fouet.
Liberat a legis maledictis, destruit hostis
Imperium, amissam sedulo quarit ouem.
Factus homo patitur, moriturq; sepultus elym
Ascendit clarum, regnat ubiq; potens. (pū

VIII.

Mentibus in nostris formatio imaginis ipsa
Ad Christi genesim parte quadriare potest:
Sicut natiuus Phæbeio ex lumine splendor,
Aut ex igne calor profluit, atq; manet.
Filius æterno genitori ita temper adheret,
Ex patre nec totus profluit ipse foras.

IX.

Callidus oppugnans æternæ prædo salutis
Hancce Dei laudem, nunc sua membra ciet.
Insequitur telis ignitis Ecchius ater,
Hostis cum socijs ipse Cherintus adest.

B 2 Arius,

Arius, Eunomius spargunt lethale uenenum,
Impius his socius Samosatenus erat.
Tales diuini uenerunt nominis hostes,
De quibus Eusebius carmina multa canit.
Non minus his nostris peruersis Papa diebus.
Aduersus Christi nomen ubiq; furit,
Nunc hac, nunc illac, uirus cum peste maligna,
Expuit, ut sacrum perdat ouile Dei.
O patiens, nimium patiens diuina potestas,
Tales in mundo quæ sinis esse uiros.
Nec ficos tales Stigias detrudis ad undas,
Vtq; tui fiant iure Scabella pedis.
Sed reuocare gradum decet, & præstare, benigno,
Quod nos polliciti pectore & ore sumus.

INCARNATIO CHRISTI.

Attigimus ptimam sacro modulamine partem,
De meritis superest dicere Christe tuis.
Hic miranda locum tenet Incarnatio primum,
Quam nunc disparibus continuabo modis.
Hæc naturarum mirabilis unio Christi,
Vnam personam constituendo uiget.
Nulla fit in Christo mutatio, mixtio nulla,
Sed natura hominis salua, deiq; manet.
Hac in re nobis oculus cecutit uterq;
Hic etenim uirtus omnipotentis adest.
Testis ut est uatum prædictio sacra priorum,
Promissum nostris patribus illud erat.
Vt pareret uirgo sanctam castissima prolem,
Præuidit primus noster in orbe parens.

Hoc

1219
Hoc pater æternus decretum sanxit ab æuo,
 Consilio sacro res ea pacta fuit.
Cum Deus humanam respexit in orbe ruinam,
 Congemuit nostri motus amore pio.
Ingemuit genitor cum nato & pneumate sancto,
 Angelici lacrymis nec caruere chori.
O fallax hostis tantorum causa malorum,
 Qui tristes struxit calliditate dolos.
Inuidus humanæ serpens & prædo salutis,
 Istius lapsus qui prius autor erat.
Infelix mali morsus, seu prompta uoluntas,
 Altera quæ tanti causa doloris erat.
Hic dolor inuasit totius climata mundi,
 Spes homini prorsus nulla salutis erat.
Ordo iustitiæ pœnam poscebat acerbam,
 Sufficiens oneri nullus in orbe fuit.
Sed patris æterni misératio magna refulsit,
 Cum flammam summa misit ab arce suam.
Quæ tulit innuptæ tam gaudia blanda puellæ,
 Vt pareret uirgo non sociata uiro.
Magna quidem uirtus fuit & diuina salutis,
 Quam patris æterni nuncius ore tulit.
Casta etenim uirgo concepit protinus ipsum,
 Qui fuit æterni patris imago, λόγος.
Quàm fuit humano generi conceptio felix,
 Atq; salutaris nuncius iste Dei.
Ecce creatorem genuit non passâ uiriles,
 Tactus, sub tecto paupere, uirgo suum.
Quanta tulit mundo natalis gaudia Christi,
 Promissum uenit lumen in orbe sacrum.

B 3 Gauden?

Hoc

Gaudentes cœli cecinerunt iúbila sancta,
Laudibus excellis concinere Deum.
Angelicum pacis modulamen signa terebat,
Atq; uelutatis (gaudium ubiq;) bonæ.
Auribus humanis ô uox dulcissima cœli,
Gaudia quæ mundo non peritura tulit.
Omnia per Christum, sine Christo nulla uoluptas,
Omnes in Christo uiuimus, atq; sumus.
Hunc oculis sancti gaudebant cernere patres,
Qui populi Israël gloria magna foret.
Hic datus est nobis, nobis est natus Iesus,
O donum, quo non maius in orbe fuit.
Lumen is æternum gentes illuminat omnes,
Et facit æthereas sponte patere domos.
Commoda quæ Christi tulit Incarnatio nobis,
Nulla satis, fateor, lingua referre potest.
Ecceptura pios cœlestis ianua regni
Stat, quis non ueniæ tempus adesse uidet?
Hoc meruit nobis benedictum semen Iesus,
Nam per eum solum uita salusq; datur.
Circumcurrit hyans hostis, tanquam Leo prædā
Cum qua rit, nobis insidiasq; parat.
Eius ut Herodes persuasu captus iniquo,
Innocuos pueros discidit ense suo.
Exul Iosephus Nili tunc regna petiuit,
Migravit Christus cum genitrice sua.
Sic nunc insequitur diuinum nomen ab omni
Parte, uenenofo uirus ab ore spuens.
Hic hominē Christū negat, ille deumq; uicissim,
Imbuti falsa cognitione Dei.

Sed

1219
Sed pater æternus cum nato, & flamine sacro
Semper, & ardentí mente rogandus erit.
Vt genus humanum tanta caligine mentis
Expurget, nostras ut regat ipse uias.
Ne nos insidijs seducat callidus hostis,
Et trahat à uero lumine, nempe Deo.
Hæc est, quam cecini, sancta incarnatio Christi,
Ordine nunc eius passio dura uenit.

PASSIO CHRISTI.

Quæ cruce sustinuit Solymorū Christus ad urbē,
Carminē nunc referat nostra Camæna suo.
Vulnera dura tulit nostro pro crimine celsus,
Est patri factus uictima sacra suo.
Quod pia prædixit sacrorum concio uatum,
Morte modò Christus perficit ipse sua.
De torrente bibet, caput exaltabit in altum,
Iessai uatis carmina sacra sonant.
Hoc etiam multis prius ostendēre figuris,
Cum uoluere Deo sacrificare suo.
Tempus erat, quo Iudæi suā festa per orbem
Agnō Paschali concelebrare solent.
Conspirant hostes concordēs fœdere factō,
Vt perdant Christum proditiōe sua.
Ipsius teneras ungebat fœmina plantas,
Quas & tergebat crine pudica suo.
Proditor est pactus tacitè cum gente scelestā,
Vt præceptorem uenderet ære suum.
Agnum Paschalem comedit de more redemptor,
Et testamentum perficit ipse suum.

Se

Se fore desertum prædicit Christus ab illis,
Qui stabiles animo nulla pericla timent.
Stulta fuit Petri persuasio, uana fidesque,
Armis confidit nam temere ipse suis.
Sed trepidat Christus multum tristatus in horto,
Ipsi sanguineus sudor ab ore fluit.
Ut pater æternus calicem transferret acerbum,
Orat, sed precibus non sacra fata negat,
Captus ab hostili magna cum fraude caterua,
Vinculis implicatus fortiter ipse fuit.
Amputat auriculā famulo Petrus arma capessēs,
Hunc Christus sanans uim gladiumq; uetat.
Ad Caiphā deductus & accusatus Iesus,
Nil loquitur, patiens omnia ferre cupit.
Promissum patribus se sæpe fuisse fatetur,
Consputus faciem uerbera multa tulit.
Ist Petrus ancillæ uerbis formidine captus,
Cum Christum Dominum denegat esse suū.
Poenitet, & lapsum toto se corde fatetur,
Et ueniam tanti criminis ipse petit.
Proditor est lento laqueo suspensus Iudas,
E scelere impleto tam furiosus erat.
Captiuum Barabam pollutum crimine multo,
Solui uociferans impia turba petit.
Innocuo ne iudicium de sanguine ferret,
Est monitus præses coniugis ore suæ.
Abluit ipse manus sub relligione maligna,
Omnem à se noxam dum remouere studet.
Spinis connexam Christo imposuere coronam,
Iplius & dextræ tradita arundo fuit.

Rex

1219
Rex appellatus mordaci uoce redemptor,
Conspuitur faciem maxima probra ferens.
Ducitur ex Solijma, magna comitante caterua,
Urbe, crucis gestans pondera dura suae.
Prædones inter binos suspensus Iesus,
Aerumnas sitiens indicat ipse suas.
Ecce suam matrem uerbis solatur amicis,
Fellis ei iucco potio mixta datur.
Expirat tandem magno clamore redemptor,
Offuscant tenebrae climata cuncta noua.
Sol patitur, magnis resonat clangoribus æther,
Et sub inasflueto pondere terra tremit.
Rumpitur in templo uelum, quod rite tegebat,
Sanctum Sanctorum, saxaq; scissa ruunt.
Mortua quæ fuerat, tumultis tunc prodit opacis
Turba, petunt Solijmam milia multa uirum.
Mos erat, ut subito demortua membra sepulchris
Mandarent, subiit uir pius illud onus.
Purpureo Christi corpus uclauit amictu,
Vnixit & ipsius mortua membra Ioseph.
Extremum munus præstare uolebat amico,
In tumulto Christum condidit ipse nouo.
Constituunt uigiles, qui seruent nocte sepulcrum,
Quod signant multis impia turba notis.
Tantæ molis erat missam renouare salutem,
Quæ cruce Christe tua nunc reparata manet.
Vera ionare uides Iessai carmina uatis,
Impleuit uatum, mors tua Christe, melos.
Summum pontificem qui nunc reserauit, habemus,
Sanctum Sanctorum, gaudia quanta cano?
C Sceptra

Sceptra Diabolici nutant hostilia regni,
Vimprorlus nullam Tartarus ater habet.
Exiguo genesin celebraui carmine sanctam,
Crux est innocui commemorata uiri.

RESURRECTIO CHRISTI.

Christi saluifici, deuicta morte, triumphum,
Extollat paribus nostra Camæna modis.
Respice Christe precor, de cuius laude canemus,
Exiguum quamuis & puerile melos.
Nonne placent pueri tibi, cum puerilia laudes
Carmina, & infantes in tua regna uoces?
Prouocat humanas magna dulcedine mentes
Tempus, quo Christus glorificatus erat.
Tempora floriferi redeunt nunc aurea ueris,
Et redit in nostro cœlicus orbeglobus.
Demulcent uolucres suauis super æthera cantu,
Et lætum tempus nunc rediisse monent.
Latipatens uiridi uestitur terra colore,
Singula purpureis floribus arua nitent.
Palmite gemma tumet, nunc omnis parturit arbor,
Laticiam spirat quicquid in orbe uiget.
Pellatur nostro tristis de pectore cura,
Cum Domino redeunt omnia dona suo.
Tempus adest lætū, quo Christus morte reuixit,
Quem non commoueant gaudia tanta uirū.
Angelus apparens cœlestis uestibus albis,
Laticiam nobis nunciat ipse nouam.
De torrente bibens caput exaltauit Iesus,
Et tenet inuicta regia sceptrum manu.

Mors

1219
Mors superata iacet, peccatum spicula nulla
Profert, inferni desijt esse uigor.
Vix aderat pulsas festi lux prima tenebris,
Cum Christus uires exerit ipse suas.
Accedunt tumulum mulieres sole priores,
Vngant ut Domini membra sepulta sui.
Tristia dicta sonant, quærentes inter eundum,
A tumulo saxum quis remouere queat:
Et lapis extemplo semotus cernitur ingens,
Angelici apparet candida forma uiri.
Obstupuere, coit gelidus formidine sanguis,
Horror & illarum frigidus ossa quatit.
Angelus hinc pauidas uerbis solatur amicis,
Et placido uultu talia dicta sonat.
Pellite corde metum, uobis annuncio magna
Gaudia, quæ mœstis nuncia ferte uiris.
Quæritis hinc Christi demortua membra sepulti,
Surrexit, uobis iam rediuiuus ad est.
Discipulis igitur celeres hæc spargite mœstis,
Et noua sollicito gaudia ferte Petro.
Inde Galilæam repetet saluator Iesus,
Tunc quis eum clara luce uidebit ibi.
Sic ait, hæc citius dicto monumenta relinquunt,
Et referunt mœstis omnia læta uiris.
Apparet Mariæ primum rediuiuus Iesus,
Mortis enim mulier prima ministra fuit.
Post ea discipulis sese patefecit, & illos,
Liberat à falsa suspitione sua.
Optat eis pacem subeundo limina clausa,
Fracto pane suis cognitus ipse fuit.

C 2

Iam

Iam iam sanctorum spaciola uolumina uatum,
Impleuit summo de genitore satus.
Nulla tibi posthac mors est concessa potestas,
Victrici Christus nos tegat ecce manu.
Callidus aeternae est prostratus praedo salutis,
Ipsius omnino nulla tyrannis erit.
Victor is inferni uictricia signa ferebat,
Corporis haud uideat membra perire sui
Hæc est illa Dies, quam fecit dextera Christi,
Nunc exultemus dulce sonando melos.
Namque resurgentis testatur gratia Christi,
Gaudia cum Domino cuncta redire suo.
Ad metam properare libet, de morte triumphum
Nostra celebrauit Christe Thalia tuum.

ASCENSIO CHRISTI.

Victus ad ætherei quæ sis palatia regni,
Carminè nunc sacro commemorare decet.
Cognitus à multis & uisus Christus Iesus,
Est toties, aliquis ne dubitare queat.
Discipulos dubios dictis reprehendit acutis,
Exiguamque suis arguit ipse fidem.
Post ea misit eos per singula climata mundi,
Et iussit uerbum notificare suum.
Addidit ipse suis uerbis miracula multa,
Et quæ doctrinam facta stupenda probent
Vitam promisit credentibus ipse beatam,
Quos sacrata prius purificauit aqua.
Perpetuos illis cruciatus inde minatus,
Quorum non fuerit sedulo firma fides.
Disci-

Discipuli tales edunt de pectore uoces,
 Qui pariter Solymas incoluere domos.
 Quando restitues Israël sceptrum magister,
 Num tua gens maius sit subitura iugum?
 Non est, respondet, uestrum cognoscere tempus,
 In patris æterni est tempus & hora manu.
 Non tantum Solyma uestrum resonabit in urbe.
 Dogma, sed in cunctis edite uerba locis.
 Vix ea fatus erat, cum limina clara polorum
 Panduntur (celebris uisio) sponte sua.
 Aspicientibus est multis sublatus in altum,
 Nocte sua nubes densa tegebat eum.
 Stant oculis fixis in lucida sydera cœli,
 Euentus uoluunt, mœstâq; corda gerunt.
 Candida forma patet binorum forte uirosum,
 Talia qui placido pectore dicta sonant.
 Quid stantes, oculos fixos in lumina cœli
 Dirigitis, quid uos cura maligna premit?
 Non aliter, quam nunc ipsum uidistis euntem,
 Extremo ueniet tempore nube sedens.
 Talia rumpebant de pectore uerba sonoro,
 Et celeri cursu regna suprema petunt.
 Quattuor exiguo celebraui munera uersu
 Victori dabimus uota precesq; Deo.
 Omnipotens æterne Pater, qui cuncta gubernas,
 Nomen ab æterna qui bonitate geris.
 Tu genus humanum miseratus corde paterno,
 Misisti natum cœlitus ipse tuum.
 Munere pro tanto referant quas pectora grates
 Nostra tibi? quicquam dicere lingua stupet.

C ; Ο λόγος

O lóye nate Deo, supremi patris imago,
Qui satus es pura uirgine uerus homo.
Victima qui factus uasti pro crimine mundi,
Vulnera sanasti sanguine nostra tuo.
Christe triumphator Satanæ, destructor auerni,
Morte simul cuius mors rabiosa iacet.
Qui super ætherei sublatus sydera cœli,
Iudex extremo tempore iustus eris.
Pectore te rogitō, sanes ut unlnera nostra,
Sanguine corda laues saucia nostra tuo.
Vt meritas laudes pura tibi mente canamus,
Perpetuò placeat nostráq; uita tibi.
A Patre & a nato procedens Spíritus alme,
Pectora purifica flamine nostra tuo.
Rebus in aduersis nobis comes esto fidelis.
Da studijs nostris uela benigna precor.
Quæ sunt felici successu cepta secunda,
Vt tibi perpetuò iubila sancta canant.

Hafniæ, 25. Martij, quo die ante Annos
1563. Filius Dei in utero Mariæ uir-
ginis humanam naturam assumpsit, &
post annos 34. eodem Die extra Ieru-
salem cruci affixus, uictima factus est
pro peccatis totius generis humani an-
nō mundi 3996.

omo.
mundi,
io.
or auerni,
iacer.
di,
eris,
oftra,
ftra tuo.
inamus,
tibi.
is alme,
catus.
ro fidelis.
na precor.
unda,
a canant,

Annos
aria uir
pfit, &
Jeruz
us est
ni an

1219.